

նեւ զբռնութիւնս այլազգեաց, զի մի յանդգնեցին ընդդէմ օրինաց և Կայսերական հրամանին, յեւս Շէվվալ ամսոյ՝ 1106 (1693) :

Ի հասանիլ հրովարտակիս՝ թէպէտ և ընթերցաւ յականջս այլազգեաց Երուսաղէմի, այլ ոչ ինչ ազգեաց ՚ի Լեւիս նոցա, եւ դարձեալ սկսան նեղել զմիաբանս Հայոց՝ քաղաքապետն և գործավարք տէրութեան վասն նորոգութեան Ս. Փրկչի վանաց, ոչ ինչ համարելով զգրեանս դատարանի և զհրովարտակսն. և բռնացեալ ՚ի վերայ նոցա, սրահանջէին զգումարս դրամոց : Ձանձրացեալ միաբանաց ՚ի կեղեքանաց աստի, վերստին բողոք բարձին ՚ի Դուռն, և աղաչեցին բառնալ զնեղութիւնս այլազգեաց : Դարձեալ գրեցաւ հրովարտակ առ դատաւորն Երուսաղէմի՝ արդարութեամբ կատարել զգործն, զի եթէ ըստ հրամանի դատաւորաց չինեալ և բարձրացուցեալ իցեն զպարիսպ վանաց, և չգուցէ փնաս ինչ ումեք, զնալ ըստ զօրութեան վճռոյ դատարանի, արգելուլ զմեծամեծս եւ զայլս գաւառին չպահանջել բռնութեամբ զինչս, և զանհազանդսն ծանուցանել ՚ի Դուռն : Սակայն և ՚ի վերայ այսր ամենայնի՝ չեւ եւս բովանդակեալ չրջան տարւոյն, լուեալ գործակալաց և բռնաւորաց գաւառին՝ թէ նորոգեալ են Հայք զվանս Ս. Փրկչի, դիմեցին ՚ի վերայ նոցա, նեղութեամբ և տագնապաւ խնդրէին բազում ինչ վասն շինուածոյն, զի փոխեալ էք ասէին զառաջին հանգամանս նորին, և անցեալ քան զչափ սահմանի, և այլ սոցին նման բանք : Անձարացեալ միաբանաց դիմեցին առ դատաւոր քաղաքին, եւ հաճեալ զկամս նորա աղերս արկին գրել զայս ամենայն տառապանս եւ հասուցանել յունկն Արքայի, թէ որպէս աւազակք յառաջագոյն մտեալ ՚ի վանս կողոպտեցին զայն և սպանին զմիաբանսն, որ յամենայն տեղիս հռչակեցաւ, և չէ հնար թագչիլ, և չինեցաւ պարիսպն Արքունի հրամանաւ : Իսկ այժմ յարուցեալ սոցա ՚ի վերայ մեր, կեղեն և տառապեն զկեանս մեր, զի չունիմք զայլ ինչ հատուցանել սոցա :

Իսկ դատաւորն զիջեալ յաղաջանս նոցա՝ գրեալ ծանոյց ՚ի Դուռն, զոր միանգամ ծանուցին նմա միաբանք Հայոց, և խնդրեաց հրովարտակաւ Արքայի դադարեցուցանել ըզ-